

Бирга тафаккур қилайлик! (учинчи мақола)



09:00 / 02.10.2021 2817

Электрли илон балиқ

Электрли илонбалиқ денгиз жониворлари орасида энг катта кучланишда ток чиқарар экан.

Кичик ҳажмдаги илонбалиқ ўзидан ов пайтида 350 вольт ток чиқарса, йирикроғи 600 вольтдан ошиқроқ электр токи ишлаб чиқарар экан.

Йирикларининг узунлиги 2-3 метр атрофида, вазни 40 кг.ни ташкил этиб, Жанубий Америка қитъасидаги Амазонка ва бошқа дарёларда яшар экан. СУБҲАНАЛЛОҲ!

Юмронқозик

Озуқа излаб юриб, сариқ дасторгулни ҳидлаш учун бир мунча вақт тўхтаб турган юмронқозиқни Австрияда расмга олишган.

Баъзан жонзотларни таёқ билан урамиз, тош отамиз. "Улар сезмайди, гапиролмайди" деб ўйлаймиз. Бироқ улар ҳам сезади, оғриқдан инграйди. Фақат бу ингроқни Аллоҳ таолонинг Ўзи эштади. Субҳаналлоҳ!

Қутб бойўғлиси

Қутбда яшайдиган бойўғли ердан ярим сантиметр баланликда учиш қобилиятига эга экан. Аллоҳ таоло бу жонзотни қорли муҳитга мослаб яратган ва унга ердан ярим сантиметр баландликда уча олиш имкониятини ато этган. Субҳаналлоҳ!

Тоғ эчкиси

Канаданинг шимоли-ғарбида жойлашган, аҳолиси оз ва тоғли ҳудуди Юкон музликларида яшовчи тоғ эчкиси.

Қаранг, Аллоҳ таоло бу жонзотни яшаётган муҳитига мослаб яратган. Душмандан ҳимояланиши ва қор қўйнида йиртқичларга ем бўлмай овқат излаши учун унинг рангини оппоқ қилиб қўйган. Субҳаналлоҳ!

Қарға

Қарға фақат битта жуфти билан кифояланиб, фарзандларининг тарбиясига қаттиқ эътибор қаратар экан.

Болалари катта бўлсалар ҳам алоҳида бўлиб чиқиб кетмас эканлар.

Отаси уларни ўзи билан олиб қолиб, набиралар кўриб, ҳаммаси бирга яшар экан. Субҳаналлоҳ!

Аллоҳ таолонинг яратган махлуқлари борасида тафаккур қилсак, Унинг қудратига, азаматига қойил қолиб, иймонимиз нури зиёда бўлади, ибодатга рағбатимиз ортади ва ибодатларимизни янада ихлос билан адо этадиган бўламиз.

Сўзимизни ушбу оят билан якунласак:

لَا إِلَهَ إِلَّا اللَّهُ وَنُؤْمِنُ بِالْإِسْلَامِ وَنُؤْمِنُ بِمَا نَزَّلَ اللَّهُ فِي الْقُرْآنِ مِنْ بَيِّنَاتٍ لِقَوْمٍ يَعْلَمُونَ

“Бу Аллоҳнинг яратганидир. Қани, Менга кўрсатинг-чи, Ундан бошқалар нимани яратдилар. Йўқ! Золимлар очиқ-ойдин адашувдадирлар” (Луқмон сураси, 11-оят)

Аллоҳ таоло ҳаммамизга Ўзининг яратган махлуқлари борасида тафаккур қилиб, иймонимиз нури зиёда бўлишини насиб этсин, ҳаммамизни Ўзининг ҳидоятидан айирмасин ва хотимамизни чиройли қилсин!

(Тамом)

Интернет маълумотлари асосида Нозимжон Ҳошимжон тайёрлади